

Dà Shamhradh ann an Raineach

Duilleag obrach airson an nobhail aig Graham Cooper.

1 Dè a b' adhbhar gun robh Dùghall Bochanan ann an Dùn Èideann ann an 1767? Cò a bha ag obair còmhla ris air an iomairt?

2 Carson nach robh Dùghall air a sgeadachadh ann an èideadh Gàidhealach nuair a phòs e Mairead Brisbane ann an 1749?

3 Carson a bha pàrantan Mairead fo iomagain nuair a chaidh Dùghall agus Mairead a dh'fhuireach ann an Druim a' Chaisteil, faisg air Loch Raineach?

4 Dè an obair a bha a' cumail nan clò-bhualadairean trang ann an Dùn Èideann ann an 1767?

5 Cò a sgrìobh a' bhàrdachd a bha na cuspair connspaideach aig an àm? Cò mu dheidhinn a bha e?

6 Càite an robh an lannsair, Sandaidh Wood, an dòchas a dhol a dh'fhuireach còmhla ri a theaghlach?

7 Cò a bha os cionn leasachadh nan rathaidean armailteach ann an Alba agus togail na drochaide drùidhtiche thairis air Abhainn Thatha faisg air Obar Pheallaidh?

8 Carson a bha Dùghall cho measail air an drochaid thairis air Abhainn Teimhil? Cò a thog an drochaid seo agus cuin?

9 Dè na h-ainmean air an dà leabhar a sheall Dùghall do Mhairead nuair a thill e dhachaigh ann an 1767?

10 Carson a bha Ruairidh Ceanadach an dùil gun rachadh Dùghall air ais a Dhùn Èideann? Carson nach robh Dùghall air an aon ràmh ris?

11 Cò a bha na bhàillidh ann an Raineach bho 1754 a-mach? Dè na dreuchdan aig a bhràithrean ainmeil?

12 Carson a ghluais Dùghall, Mairead agus an teaghlach air ais a Shrath Eadhair ann an 1758?

13 Dè na dleastanasan a bha aig Dùghall nuair a bha e a' fuireach ann an Ceann Loch Raineach?

14 Dè an t-ainm a chleachdadh Dùghall airson am 'Milky Way'? Cò às a thàinig an t-ainm seo?

15 Dè na leasachaidhean-àiteachaidh a bha rim faicinn an an Raineach? Dè am bàrr ùr a bha a' còrdadh ris a h-uile duine?

16 Carson a chaidh Dùghall a Shrath Eadhair ann an 1768? Cò an caraid air an do thachair e ann am Both Chuidir? Dè an galar gabhaltach air an robh iad a' bruidhinn?

17 Dè a bha a' dol aig an taigh nuair a thill Dùghall, na chabhaig, a Cheann Loch Raineach as t-samhradh 1768?

18 An dèidh bàs Dhùghaill, bha deasbad ann air an àite far an rachadh a dhuslach a thiodhlacadh. Dè a bha na beachdan eadar-dhealaichte a thaobh seo? Aig a' cheann thall, cia mheud mìle a chaidh a' chiste-laighe aige a ghiùlan?

19 Nuair a bha i a' fuireach ann an Srath Eadhair ann an 1810, dè na rudan a ghlèidh Mairead mar chuimhneachain phrìseil beatha Dhùghaill?

20 Cia mheud de theaghlach Dhùghaill agus Mairead a bha beò ann an 1810?

21 Dè a bha Mairead a' faireachdainn, le sùil air ais air a' bheatha aice fhèin?
